


Л. УСПЕНСКИЙ

НЁЛЬ БОВЕВОЙ СЛУЧАЙ



КОМИПЕРМГИЗ 1944 КУДЫМКАР

Л. УСПЕНСКИЙ

НЁЛЬ БОЕВОЙ СЛУЧАЙ



КОМИПЕРМГИЗ 1944 КУДЫМКАР

Миян странаись быдӧс челядь тӧдӧны Климент Ефремович Ворошиловӧс, Советскӧй Союзись маршалӧс. Тӧдӧны сийӧ и любитӧны. И, конечно, мӧдӧны тӧдны сы йылись решительно быдӧс.

Кызд сйя олис учӧтнас? Кызд сйя лонс большевикӧн? Кызд лонс Краснӧй Армиялӧн командирӧн? Кызд белӧй-езлӧ паныт нуӧтис бойӧ миянлись армияэз? Кызд побеждайтис враггезӧс? И мый понда получитис нийӧ орденнэсӧ, кӧдна сотчӧны сылӧн морос вылас, кӧр сйя первомайскӧй парад коста аслас вӧв вылын петӧ Московскӧй Кремльлӧн Спасскӧй башняись воротаӧт.

Медбы висътавны кӧть бы самӧй главнӧйсӧ сыись, мый вӧли ёрт Ворошиловлӧн замечательнӧй оланын, ковяс не ӧтик кыз книга. Ыджыт мортлӧн олӧмыс оз тӧр дженыт рассказас.

Эта книжкаын мийӧ висъталам только самӧй обыкновеннӧй нель боевӧй случай йылись, кӧдна кӧркӧ, гражданскӧй война луннэзӧ, вӧлисӧ Климент Ефремовичкӧт фронт вылын.



**Ерттэз Сталин да Ворошилов фронт вылын
Царицын увтын.**

СТАНИЦА ПЯТИИЗБЕННОЙ

Ой и лун мунисö бойез, ой и лун красноармейской часттез вешшисö востоклань, Волга дынö, город Царицын дынö (öни сия шусьö Сталинградön). Туйыс вöли сьöкыт, белöйез пыкисö быд ладорсянь. Быдласянь кылис винтовкаэзлөн тачкötöm, орудиеэзлөн лыйсьöm, взрыввезлөн гымötöm...

И вдруг, көр ылын одзаныс миян войскоэз казялисö нейджыт казаччöй деревня, станица Пятиизбенной, быдöс вдруг видзчисьтöг лөнъсис. Не горötлöm, не лыйсьöm. Врагыс бытьтö му пытшкö пырис. Кытчö сия лоис? Кысянь вились уськötчас? Некин нем эз тöд.

Война вылын сэтшöm невежörtана вопросы умöльжык самöй жестокой бойся. Неприятель страшной, кызди точнöя он тöд, кытөн сия и мый керö. Колис öни жö мунны смелöй разведкаö, пырны ылын сьöдвидзан посёлкö, тöдны, оз я сайлась сэтчин

враг. Эта вöлі öддьон опаснöй, но не-
обходимöй делоон.

Решитисö ыстыны разведкаö броневичок
—боевöй бронированнöй автомобиль пуле-
мётон. Броневикуыс вöлі важ, умöлик, но нем
мөдикыс кипод увтын эз вöv.

Мунöм одзас лоис известно, что бро-
невикын командирон мунас армияон коман-
дующöй Климент Ефремович Ворошилов.
Тыдалö, разведкаыс эта лунö вöлі сэтшöм
важнöй делоон, что Ворошилов решитис
мунны ачыс.

Броневик чожа мунис паськыт пустöй
ыб кузя, кöда краснöй боеццесö янсötис
деревня дынсянь, и полнöй ходон пырис
посёлөкө. Главнöй улицаас öтик морт эз
вöv. Но враггез вермисö сайöвтчыны бокись
переулоккезын.

Ходсö чинтытөг, водитель иньдötис ма-
шинасö öтик сэтшöм переулокө, кöда кös-
тисис öддьон крута. Но ештис только маши-
наыс локны чукуль дынөдз, кыздз водитель
быд вынись кутчисис тормоз бердö.

Сия сразу вежörtис, что лоис страшнöй
дело. Переулок кончайтчис тупикон. Пет-
ны сэтись мөдик туйыс эз вöv. Сэтчин, пе-
реулок концецын, заборрез дынын вöлисö
домалөмөсь седлоалөм казаччöй вövвез. А
быдös ыбössэзись, воротаэзись, калиткаэз-
ись моторыс шум вылö котörtисö ни воо-

ружитом морттэз. Казаккез! Белөйез!
Водитель сувтотис машинасо. Чужомыс сы-
лөн лоис чочком, кыз мел.

— Мый тэ керан? Мыля сувтотин ма-
шинасо?—горотис Ворошилов.

— Дзескыт! Муникө он берготчы, ёрт
командир!

Сия эз ешты эшө висьтавыны этө, кыз
казаккез горотломөн уськөтчисө машина-
ыс дынө. И сэк жө броневик пытшкын
быдос пондис гымөтны, вөрны да чеччав-
ны: этө пондис баитны краснойезлөн един-
ственной пулемёт.

— Ага! Оз гленитчы? Водит пуляэз ув-
тын, бандиттэз?

Водитель, тырпсө курчөвтөмөн, ле-
тыштис бөрись ходлись рычагсө.

— Ох, ёрткомандир, беда!.. Бөрись ходыс
тшыкөм... Мыйкө видзө. Не петны миянлө...

Казаккез сразу жө вежөртисө, что бро-
невичокыс сибдис.

— Мый? Шедит, гөрд чорттэз?.. Но,
сейчас мийө тиянөс!

И вот ния уськөтчөны ни канаваэзө,
кыссьөны турун кузя, старайтчөны сибөт-
чыны матөжык. Нылөн пуляэз сидз вартө-
ны броневик кузя, что шумсянь машинаын
морттэзлөн чуть оз потласьө пеллезын
перепонкаэз. Пуляэз торьясьөны свинецись
да стались уна учөтик пым торрез вылө.

Эна торрес пырöны боевöй öшыннэзись
учöтик паззэзöт, ранитöны киэз, чужöм,
шучкöп сотöны паськöм...

Машиналөн водитель, эшö том зоноч-
ка, совсем öшис.

— Мый керны? Ёрт командир? Мый нö
öни лоас? Шедим мийö,—гусьöник шувлис
сия.

Ворошиловлөн сьöкыт кийс водис сы-
лö пельпон вылас.

— Да мый тэ, друг, мый тэ! Мыйись
повзин? Видзсьы крепытжыка! Пешлись,
можот, кöть невна босьтас машинаыс бөр-
лань? Давай, давай, невнаөн бергötчы...
Да тэ эн пов, нем эшö абу страшнöйыс!
Кужам петны! Но, чожжык!

Быдыс тиян коласись адззывлис, кыз
векнит переулокын нето оградаын бергöt-
чö сьöкыт грузовик. Чожа этö некыз он
кер. Шаг одзлань, шаг бөрлань... Чуть-
чуть шульгалань, чуть-чуть веськытлань...
Кык метр одзлань, кык бөрлань, и бöра
метр джын веськытлань... Минута, мöдик,
куимöt...

Сидз вöли и öни.

А пуляэз эна минутаэзö киссисö зэрөн,
орöттөг. А казаккез доль векнитик улица
кузя котöртисö ни куимөн, нельөн, öтикөн.
Ния то водлисö, то лэбтисьлисö; ния öдззö-
тисö асьнысö горöтлёмөн, уннялёмөн и

дугдывтөг лыйсисö. И быд секундаөн ния сибötчисö сё матöжык.

— Эх, мед только ния эз казялö котортны мöдик ладорсянь. Только мед эз орötö туйсö. Гарьясö туй вылас канава, чапкаласö керрез... Сэк—он мезмы! Эшö бы куим минута... Эшö бы кыкö... Эшö бы öтiкö...

Эта коста пулемёт чапкалис медбöрья очереддез ни. Сия пондис пöдны. Патроннэз кончайтчисö. Броневикин лоис öддьөн жар. Ворошилов векнитик боевöй паззэзöt вийлис враггесö маузерись, öтiкөн, бөрйöмөн: этийö, забор дынас... Öнi—мöдсö! Усис!

— Только бы патроннэз тырмисö, только бы ештыны... А но, но, ёрт! Давай, давай эшö невна! Спокойнöя! Эшö öтпыр... Но... Но...

И вот вöлись машинаыс бергötчис. Жагöник, канава весьтö öшötчöмөн, сия öдва кутчисис шульга колесонас туй дорö... И—вöрзис! Да, ёрттэз, вöрзис, вöрзис!

Броневик вевдöрын боевöй башня, бытьтö шлёмын богатырьлөн юр, грознöя бергötчис бөрлань.

— А но, любезнöй дружоккез, получйтö медбöрья пуляэз. Вот тiянлö, вот, вот, вот!!!



Суматоха дырни белöйезлö и юраныс эз пыр котöртны броневиклö тылас, орöтны сылö туйсö. Туй вöли свободнöй!

Радөн пондiс горзыны сирена. Броневик, кыз воля вылö мезмём вöv, быдöс дрöгнитiс, бöрись колесоэзнас ылö чапкис кöс турунись, бусись, чагоккезись кымöрок да уськötчис главнöй улицаö, асланымиссез дынö.

Дело вöли керём. Краснöй войскоэз öнi бытшöма тöдiсö, кытөн пукалис нылөн врагныс. А бойын эта быдöсся важнöйжык. Кык час бöрти дзевсисьём беляккез вöлисö вашötмөсь хуторсис.

Сэтшём первöй случай нысь, кöдна йылись ме мöда тiянлö висьтасьны.

СМЕЛОЙ РАЗВЕДКА


Мөдік случай вөлі Царицын дынын ни, Волга вылын.

Белой армияез, көдна мунисө краснойез бөрсянь, совсем матө сибөтчисө Царицын дынө, зэлыт кольцоон кытшөвтісө сийө куим ладорсянь.

Белойезлөн өтік батарея—нель пушка да сотня гөгөр солдаттэз—битва видзчисикө сувтчис степын, пригородной деревняез сайын.

Одз асывнас белойез штабись эта батарея вылө локтіс верзьёма. Сія вайис приказ: лоны готовөн наступленнө кежө. Батареясө видзөтөм понда лөсьөтчис локны командующой—грозной да лөг генерал. Батарея вылын лэбтісис страшной суматоха.

Батареяись командир сетіс строгой приказ: учөтжык чиннэзлө, солдаттэзлө,—лөсьөтчыны, песокөн зыртны пуговицаез, ре-



менез вылісь пряжкаэз. Господа офицер-резлө—видзётны военнөйез моз, гажөн!

Медбы страшнөй генерал эз лок видз-чисьтөг, казаявтөг, вахмистр Владюковлө вөлі прикажитөм пыр пукавны вөв вылын верзьөмөн да матись керөсок вывсянь видзётны туй вылө—оз я лок.

Вахмистр вөлі ыджыт мыгөра рыжөй детина. Бура вердөм, ён гнедөй вөв көсті-сис сы увтын. Керөсок вылын вөрзьөтчы-төг сулалісь уса всадникыс ылісянь вачки-сис кытшөмкө памятник вылө.

Но вот сія лэбтіс кисө да гөнитіс одз-лань. Сія казаяліс: ылісянь степь кузя бус

тшакыллезын батарея дынө лэбзис лөз во-
енной машина. Вот сїя недыр кежө сувт-
чис туй вылас, вот кежис сы вылісь турун
вылө, сыбөрын, крута бергөтчөмөн, бөра
пондїс мунны батареялань, но мылякө му-
нїс бөрись ходөн.

Вахмистр Владюков гөнитїс сылө па-
ныт. Сїя, конечно, эз вермы кывны, мый
эта коста баитїсө нїя, киннэз мунїсө авто-
мобиляс.

— Мун-ко, Цыбаненко, бөрись хо-
дөн!—висьталїс ны коласїсь өтїк.—Этадз
буржык лоас. Оддьөн ни ылө мийө пырим.
Кин төдө, кинлөн эта батареяыс: миян али
белөйезлөн.

Владюков секунда кежө сувтчыштїс, ки
увтөттяс видзөтїс локтїссез вылө, сыбөрын
горөтїс:

— Гей, батарея вылын!—и төвчикөн
лэбзис паныт машинаыслө.

„Кыз бытьтө кватьөн локтөны. Воен-
нойез,—думайтыштїс сїя.—Значит—гене-
рал! Его превосходительство!“

Совсем матө локтөм бөрын, сїя басө-
ка сувтөтїс вөвсө, молодеватөя пук-
тыштїс кисө фуражкаись козырөк ды-
нө, осьтїс өмсө, медбы горөн привет-
ствуйтны генералсө, и чуть эз усь
седло вывсис: „Мый сэтшөмыс? Мый?
Мый?“

Автомобильын мунісь морттэзлөн фу-
ражкаэз выланьс вөлісö гөрд звездаэз.
Краснөйез!

Вахмистр мөдіс кыскыны кобураись на-
ган... Но вөлі сёр ни: сія, кōда пукаліс ма-
шинаас медодзас, ордчөн шоферкөт, ми-
гөн лэбтіс улө лэдзөм винтовкасö. Степь
вевдөрөт говкөн паськаліс лыйөм.

Вахмистрлө дзик керөн вартіс юр кузя.
Поводдэсö кисис лэдзөмөн, вахмистр сьö-
кыта усис му вылө. Повзьөм вөв ордчис
и сьбөрын седоктөг ни төвчикөн лэбзис
степь кузя...

Батарея вылын сразу вежөртісö быдөс,
мый лоис. Вит морт верзьөмаэз, места вы-
лісь орөтчөмөн, скач гөнитісö машина ды-
нө. Лэбтісис ыджыт шум.

— Пулемёт!—горөтлісö да котрасисö
белөйез.—Чожжык! Татчө! Машина кузя
би! Эх, мунасö! Чожжык!

Лөз автомобиль вөлі эшö неылын, но
сы кузя сразу жө эз понды туйны лыйны!
Сы коласын да батарея коласын гөниті-
сö ни асланыс, белөйез. Пондан лый-
лыны—ассит вийлан. Мый сэтөн кер-
ны?

Верзьөмаэз, пельпоннэз вылісь винтов-
каэз босьтөмөн, мыйись вермисö гөнитісö
машинаыс сьöрын. Но чожа ния пондісö
видзыштлыны вөввезнысö, кольччыны—и

не диво: чожамунан автомобильсянь лый-
сисö промахтөг. Öтик верзьöма тшакыльöн
тарöвтчис вöв вывсис. Мөдикöс ляпкötис
ранитöм вöв. Мукöддэз куимыс сувтötисö
вöввезнысö: а но нийö, ась мунöны! И лöz
машина вевдöрын буса кымөр чожа пон-
дiс лэбзыны одзлань...

Неылö мунöм бöрын, кык мыс коласiсь
логын, колодец дынын, машинаыс сувт-
чис. Шофер босьтiс брезентовöй ведра да
котöртiс вала: моторыс вермис дзирдавы.
Асывся степь вевдöрын кылис сэтшöм бур-
дук: курыт, свежöй, кöда лэбтiсис тшын-
сянь, турунсянь, полынсянь. Шондi вöли
вылын ни. Нёбо лоис чистойöн да лözөн.
Только ылын веськытлань, самöй горизонт
вылын, лэбтiсисö кык ыджыт коричневöй
кымөр. Этö сотчисö кытшöмкö матiсь стан-
цияэз, кöдна öзйисö белöйезлөн снаряддэз-
сянь.

Взволнованнöй пассажиррез сералöмөн
чеччалiсö му вылö—позьötны коккез-
нысö.

— Но, челядь, мый?—висьталiс стар-
шöйыс.—Петiм, а?

— Петiм, Климент Ефремович,—радөн
да öтамöднысö одзалöмөн паныт шуисö
спутниккез.—Но сё жö, ёрт командарм...
Туйö разь сiдз? Рискуйтан тэ öддьөн, а
но—вийисö бы?



Ворошилов нетшкөвтис турун, нөитис сийө киас, нюкайтыштіс, серөмтчис.

— Чудаккез тийө, ёрттэз!—висьталіс сія яснөй степнөй ылынінө видзөтөмөн.— Кыдз жө рисктөг төдан обстановкасө? Вот мунім витдас верста гөгөр, өні миянлө ве-жөртана, мый керны.

Сія невна чөлыштіс, думайтыштіс, эшө өтпыр серөмтчис.

— Сулалө, адззылат, кыдз мийө чожа паздыны нийө пондам!

И былъ. Кынымкө лун бөрти краснөй часттез мунісө наступленнө.

Сэтшөм вөлі мөдік случай.

ПУЛЕМЁТ ДЫНЫН

Куимөт случай вөлі Воропоново станцияын, неылын сiя жö Царицын дынсянь. Вот кыздз сэк вöли делоыс.

Арнас, октябрь месяцын, фронт вылын бöра пондiсö гымöтны орудиеэз. Белöйез решитiсö эшö öтпыр пешлыны счастье, öрöтчыны Волга дынö.

Ворошилов, кыздз пыр, эз мöд управлйтны бойнас ылисянь, городсянь. Октябрь даскыкьямысöt лунö штабнöй вагон вайötic сiйö Воропоново станцияö. Сэтөн эна луннэзö мыйыс только эз керсы.

Сiя кадö мян эз тырмы не только оружие. Этша мян вöлисö и паровоззэз. Этасянь сьökыт вöли вежöртны, мый керсис эта неыджыт станцияын. Туйез вылын öксисö уна кузь поезддэз, унажыксö пемытгöрд товарнöй вагоннэз, теплушкаэз. Штабись öшыннэзöt тыдалiсö нылөн бесконечнöй ряддэз. Öтик теплушкаэзын

куйлисö раненöйез, кöднö öнi только вайöтi-
сö фронт вылись, кытöн ойнас мунис жестокöй бой.

Мöдiк вагоннэз вöлисö тыртöмöсь несчастнöй беглецезөн ния местаэзись, кытöн öнi хозяйничайтисö белöйез: эна теплушкаэзын кашляйтисö слабöй стариккез; причотöн герьялисö да сьöкыта лолалисö женскöйез, горзисö учöтик челядь. Быдöс этö вöлисö мирнöй, вынтöмсялöм, мыдзöм, войнаөн да жестокöй врагөн кувтöдз повзьötöм отир. Эд фронтис вöли ордчөн.

Но сё жö станцияис вöли не самöй фронт вылас. Этаянь вооружитöм красноармеецез-боецез эстөн вöлисö совсем етша...

Луншöрнас Ворошилов корис ас дынас вагонö ассис отсалиссесö—совещаннё вылö. Картаэз весьтö мышкыртчöмөн краснöй часттезись командиррез решайтисö, мый колö керны, медбы вермыны белöйезлись наступленнёсö. Вдруг öшын сайын бытьтö струна орис: кылис женскöйлөн бöбись горötлöм:

— Спаситö! Спаситö! Белöйез!

Оз туй гижны сы йылись, мый лоис сыбöрын.

Быдöс вагоннэзись, быдöс теплушкаэзись стариккез, челядь, женскöйез уськötчисö, кыз бöбмöмöсь, котöртны ыб вылö.

Быдөнныс ния, повзёмсянь бытьтö бөбся-
лөмөсь, котрасисö рельсаэз кузя, горөтлі-
сö, горзісö, кутчисьлісö öтамöдныс бердö!
— Спаситö! Ратуйтö!

Раненöйез, кöдна эшö вермисö вөрөт-
чыны и кöдналөн вöлісö винтовкаэз, тожö
чеччалісö асланыс теплушкаэзись. Öтйккез
бинтуйтöм киэзөн вартісö штыккез, мөдік-
кез пиннезнаныс осьтісö затворрез, лөсьöt-
чисö донөн сетны ассиныс оланнысö. Но
ния вöлісö сэтшöм етша, сэтшöм безна-
дёжнöя етша!..

Ворошилов да сьлөн штаб тожö сэк жö
лоисö платформа вылын. Первöй комму-
нистическöй дивизиялөн командир, кöда
вöлі ранитöма кокас (өнй бинттэз вевдөрö
вöлі кöмалöма кинлөнкö ыджыт туфли),
уськөтчис платформа вылö сувтötны ко-
тöртіссесö. Сія корис, кеймисис, грөзитіс,
но быдöс весь. Повзём стариккез да жен-
скöйез некинöс эз кывзö.

Ворошилов видзöтыштіс лунлань, сэт-
чин, кытчö ужасөн бергөтлісö юррезнысö
повзём беглецез. Да, делöйс вöлі умöль!
Станция гөгөр ылö степьö кыссисö куш,
листöм пустöй арся саддэз. И сэтчин, ны
сайын, пу вожжез сайсянь сія казяліс: сот-
ня, кык сотня, вит сотня, он вежөрт мым-
да белöйез быд вынісь гөнитöны стан-

† Спаситö.

ция дынө... Натътө, ния кытөнкө пырисө
миян тылө.

Мый жө өні керны? Защита абу. Мунны? Нет, мунны оз туй. Разь позьө кольны враг киө энө мирной беззащитной морттэсө: стариккезөс, челядьөс да женскойе-зөс? Вот если кипод увтын вөлі быкөть өтік пулемёт... Но эд сия эз вөв! Сідзкө—кольчис өтік: кувны бойын...

Ворошилов видзөтыштіс асласисез вьлө и, юрнас качнитөмөн, босьтіс пельпон вывсис ассис неизменной, любимой карабинсө, верной учөтик кавалерийской винтовкасө. Белөйез—ния тыдалисө кыз ки долонь вылын—локтісө кырас дынөдз, көда степь кузя кыссис веськыта станциялань, и өшисө сэтчин. Кык-куим минута бөрти ния петасө эта кырасись совсем ни матын, вон сэтчин, кык пуыс дынын, и сэк...

Кинкө штабной красноармеецез коласись, бөрсянас локтөмөн, жагөник вөрзьөтіс Ворошиловсө гьрдзөттяс.

— Ёрт командарм,—гусьөник висьталіс сия,—вөлыс тэнат бур. Тшөкты—вөвсө петкөта. Пуксы, гөнит!.. Кыдз-нибудь мунан.

Лөгсянь Ворошиловлөн чужөмыс өзйыштіс биөн. Сия перыта бергөтчис сылань, кин этө висьталіс. Сия мыйкө модіс вись-

тавны паныт и вдруг... Вдруг отпыр чеч-чөвтөмөн сiя уськөтчис платформа вылө. Пулемёт! Сiя казялiс пулемёт!

Платформа вылын, пизьөтөм ва понда зелёной бак дынын, самой стена дынын сулалiс бой жежө готов пулемёт. Натьтө, сийө татчө сувтөтiс охрана, а сыбөрын, паникаас, общөй суматохаас сы йылись вунөтiсө.

Кык-куим секундаөн Клим Ворошилов дужкаот кутiс пулемётсө, тарөвтiс флатформа концын канава дынө, дулонас бергөтiс сэтчин, кыраслань, лөсьөтiс лента... И вөли пора!..

Одзын мунись верзьөмаэз быдса конной толпаөн, лаваөн, шашкаэзөн петисө ни кырассис. Беззащитной станция дынөдз туйыс ны одзын вөли осьта. Эшө минута—и ния лоасө татөн.

Но сэк жө пулемётной очередьлөн страшной көс гымалөм орөтiс чөлөмсө. Командармлөн кужан киөн иньдөтөм пуляэз стальной, свинцовой веерөн мөртчөтчисө лэбзись лаваө. Минутаө куим сотня пуля. Секундаө—вит. Нетыдалан верной смерть!

Белой конничасө бытьтө вундыштiс ыджыт бритва. Кырас дынын степь сразу вевттисис учөтик съод пятноэзөн—вийөм, ранитөм морттэзөн да вөввезөн. Сы кузя



өтік-мөдік местаэзын, седлоэз бердө жмит-чөмөн, гөнитисө өткаса верзьёмаэз... Быд ладорсянь Ворошилов дынө өні котөртисө отир. Кытиськө вайисө мөдік пулемёт. Но деловыс вөлі керөм ни. Бой вөлі выиграйтөм.

Командующөй лэбтисис пидзөссэз выв-сис, видзөтыштис врагыслань да серөмтчис. Но сия сэк жө вайөтис оча синкыммесө.

—Но вот!—висьталіс сия.—Этадз буржык лоас. Но сө жө кытөн вөлі станциялөн охранаыс? Разь сідз охраняйтөны? Штабись ёрт начальник, видзөт этө делосө ачит. Колө строгөя следитны. Нія вермасө чукөртны вын да вились уськөтчыны. Ыстө-ко ме дынө комендантсө!..

Сия треситис пидзөссэз вылісь песок, спина сайө өшөтис карабин да бөра муніс вагонө.

— Ёрттэз, локтө ме дынө! Совещаннёныс эшө эз кончитчы...

ЮРСИ ТЫЛӨП ВЫЛЫН

Белөйезкөт война сибалис конецө. Советскөй страна кончайтис уничтожайтны ассис медбөрья страшнөй врагөс—барон Врангельөс. Буденновскөй Первөй Коннөй армиялөн отряддэз, противниклис кок пятаэсө тальөмөн, босьтисө селеннө Отрада. Враг вешшис бөрлань. Асывнас Коннөйлөн командиррез, Ворошилов да Буденный юралөм увтын, өксисө обсудитны делөз өтик деревенскөй керкуын.

Вдруг өтөрсянь кылис горөтлөм, винтовочнөй лыйсьөм, котөртөм. Быдөнныс уськөтчисө посодзө. Деревняын паськыт главнөй улицаын өтик морт эз вөв. Только сэтчин, ылын концеас, мелькайтисө верзьөмаэз, мунис отчаяннөй лыйсьөм. Тыдалө, белөй кавалеристтэз видзчисьтөг орөтчисө мян войскоэз линия-пыр. Но мымда ния—уна или етша? Кытөн ния—быдөнныс эстөн? Али деревня сайын нийө видзчисьөны мөдиккез?

Кипод увтын отырыс вöлісö етша, быдöссö кык-куим десяток.

Будённый чеччöвтис вöv вылö и быдöс эна морттэзкöt уськötчис разведкаö! Не главнöй улицаöt, а керкуэз сайöt, огоредеччезöt—кытшöвтöмөн. Реввоенсоветлөн член Ворошилов тожö эз кольччы штабас. Öтнас, охранатөг, сiя быд вынись гөнитис веськыта деревня кузя сэтчин, кытөн кыліс лыйсьöмыс.

И вдруг совсем видзчисьтөг, джын туй вылын штабнöй керку коласын да сiя места коласын, кытөн тышкасисö, паныт сылö переулокись петис верзьöмаэзлөн быдса эскадрон. Будённый? Нет. Белöйез! Врангелевецез!

Гөнитикö вövсö сразу сувтöтны эз позь. Сiя пырис враггез коласö.

Киэссис перчаткаэз кыскалікö, Клим Ворошилов мöдiс кутчисьны револьвер бердö... Нет, сёр, оз ешты. Боксянь сiя адззö ни лөг, бугыля синнэза врангелевецлись чужöм. Пикаөн киас казак уськötчö Ворошилов вылö.

Револьвер! Чожжыка револьвер! Наган! Веськыт кинас Ворошилов кутчис кобура бердö, шульганас зэлötис повод. Пöрись ёрт, боевöй вöv, сразу вежöртис командасö. Пиннезнас и копытаэзнас сiя панталіс врагсö, эз лэдз сылö керны думайтöм ударсö.



— А-а-а! Ах!

Өвтыштөмөн пикаыс пискөтө пасыкыт Ворошиловскөй буркасо, юрси тылоп мымда оз лок тело дынодз, но каттисьо складкаэзын.

Кыкнан вöлыс пондисö бергавны ордчөн, йоктыны öтик местас, корскайтисö, вирөн тырөм синнэсö лөгөн кылөтлөмөн. Врангелевецлөн лөгсянь пиньөвтчөм чужо-мыс совсем матын... Сия мыйкө горөтлө, видчө... Бөр кыскө бы буркаө сибдөм пикасö... Наган, чоужжык наган!.. Ворошилов кватитис револьвер, лэбтис кисö...

Но эта коста кылө гора „ура“. Улицаö боковöй переулоккезись петöны буденовецез. Секунда—и белöйез абуöсь ни.

Сьökыта лолались, лөгасьом боецез вөтчöны ны сьөрö. Мөдиккез зэлыт кольцоөн кытшөвтöны ассиныс командирнысö. Не öтик дас киэз нюжөтчöны сы дынö: пешлыны, тöдны—абу я ранитөм. Не öтик дас синнэз тревогаөн да радөн видзөтöны сылө чужомас. Ловья? Абу ранитөм?

— Но кыздз, Климент Ефремович? Кыздз жö этö тэ?

А Климент Ефремович öдва кыскө бурка складкаэзись врагөн кольөм пикасö. Сия шыннялө өрттэзлө...

— Ничего, ничего, челядь!—баитö сия.
—Ничего, спокойно! Эшö воуйтыштам!

ПЫТШКОС

| | |
|--------------------------------|----|
| Станица Пятиизбенной | 6 |
| Смелой разведка | 13 |
| Пулемёт дынын | 20 |
| Юрси тылоп вылын | 27 |

Перевод *Тупициной Е. И.*
Редактор *Спорова Н. А.*

Техредактор *Яркова Ф. С.*
Корректор *Попова Р. И.*

Сдано в набор 27/X-43 г. Подписано к печати 15/V-44 г. Формат
бумаги 60X92¹/₁₆. Печатных листов 2. Уч.-изд. листов 0,75.
В 1 печ. листе 19200 тип. зн.
ЛБ20075. Заказ № 203. Тираж 1000.

г. Кудымкар. Типография Молотовского Областного Управления
издательств и полиграфии